



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 55. Lex pro Ecclesia Catholica.

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

Sæculum IV. S. Ascolus morum Sanctitate non mi-
 nus, quam fidei puritate eximius, lucem
 primo aspexerat in Cappadocia. Ad-
 lescens Parentibus, & Patriæ valedicens,
 vitæ Monasticæ se dedit, & in Achia
 exiguæ cellæ inclusit. Quamvis ætatem
 nondum haberet, ad preces populi Ma-
 cedoniæ, & Electione Episcoporum Epis-
 copus Thessalonicensis ordinatus est. In
 hanc Ecclesiam pacem reduxit, fidemque
 Prædecessoris sui lapsu labefactatam, re-
 formavit; is Eremitus, vel Herennius
 fuisse creditur, qui sicut plures alii in per-
 secutione sub Constantio timore abje-
 ctus, S. Athanasii Communioni renuntia-
 vit. S. Ascolus sæpius Thessalonicam,
 totamque Macedoniam a Gothis libera-
 vit, nullis aliis armis instructus, quam fer-
 ventibus ad Deum precibus. S. Basilii
 ut dictum est, inter paucos amicus fuit.
 S. Damasus Papa eidem Regimen decem
 Provinciarum, quibus Illyricum Orientale
 constabat, commisit, ut illis Romani
 Pontificis auctoritate, tanquam ejus Vicari-
 us præesset. Talis fuit S. Ascolus,
 qui Theodosium Imperatorem baptiza-
 vit.

A. C. 379.
 Ambr. ep. 15. ad Anatol. & ep. 16. Anys.
 Athan. apol. p. 692.
 Epist. 339. Sup. l. XVI. 44. Ep. Bonif. I. ad Ruff. collect. Rom. p. 47. Et to. 4. conc. p. 1702.

§. LV.

Lex pro Ecclesia Catholica.

Soz. VII. Cum Imperator perquisisset, quis effectus Religionis status in suæ Ditionis terris?

ris? relatum est, eas omnes Regiones us-
 que ad Macedoniam in fide Trinitatis
 consentire, reliquas vero Orientis pluri-
 mis sectis dividi, præsertim Constantino-
 polim, ubi Hæreses atrocius, quam in
 ullo alio Imperii loco grassabantur. Hæc
 fuit causa ferendi celebrem legem, *Cun-
 ctos populos*, ex duabus vocibus latinis, *Lib. 1. Cod.
 quibus incipit, notissimam. Quæ ita de Summ.
 sonat: Imperatores Gratianus, Valenti-Trin. L. 2.
 nianus, Theodosius Augusti Populo urbis C. Theod. de
 Constantinopolitanæ. Cunctos populos Im- fide Catholi-
 perii nostri illam Religionem tenere volu- ca lib. 16.
 mus, quam S. Petrus Apostolus Romanos do-
 cuit, quæ ex eo apparet, quod hodieque ibi
 conservetur, nempe fidem, quam sequi vide-
 mus Pontificem Damasum, & Petrum Epis-
 copum Alexandrinum Apostolicæ Sanctita-
 tis virum; ita ut secundum instructionem
 Apostolorum, & Doctrinam Evangelii cre-
 damus unam Divinitatem Patris, Filii,
 & Spiritus S. in æquali Majestate, & una
 Sancta Trinitate. Jubemus, ut ii, qui
 hanc fidem sequentur, Nomen Christiano-
 rum Catholicorum assumant, & alii, quos
 insanos judicamus, infami hæreticorum
 Nomine notentur; conventus eorum Ec-
 clesiæ non dicantur; pœnas ab iis reposce-
 re reservamus primo Divinæ vindictæ, &
 deinde nostræ, quamcunque nobis Cælum
 inspiraverit, voluntati. Datum Thessalo-
 nicæ tertio Calendas Martii, Gratiano
 quinto,*

*Sæculum IV. quinto, & Theodosio primo Consulibus, id
A.C. 379. est, 28. Febr. anno 380.*

Theodosius hanc legem ad populum Constantinopolitanum misit, ut ex urbe Imperii sui Principe citius in reliquis Provinciis dimanaret. Declarat, quam ipse fidem teneat, ut subditos ad se sequendum invitet magis, quam cogat; nullam Hæreticis pœnam dicat, mirari contentus. Fidem Ecclesiæ probat ex traditione Ecclesiæ Romanæ, a Principe Apostolorum acceptam. Damaso Papæ jungit Petrum Alexandrinum, secundam in orbe Sedis Episcopum, at Episcopum tertiæ Sedis, nempe Antiochenæ non adiungit, quia de hac Sede lis erat inter Meletium, & Paulinum, utrumque Catholicum. Jubet, ut soli adoratores Trinitatis Christiani Catholici dicantur, quia Hæretici quoque Christianos

L. I. Cod. de crim. sacril. 25. C. Th. de Episc. se dicebant, sæpius etiam Catholicos. Alia lege eodem loco, & eadem die data, quæ potius prioris pars esse videtur, Theodosius Sacrilegii reos pronuntiat, qui ignorantia, vel negligentia Legis Divinæ Sanctitatem violant; id vero de Episcopis accipitur, qui nasci hæreses segniter patiebantur. Uno post hæc mensis, Sexto Calendas Aprilis, id est, vigesima septima Martii, cum adhuc moraretur Thessalonicæ, prohibuit, ne tota quadragesima in iudicio causæ criminales tractarentur.

§. LVI.